

# JUNIOR SECONDARY CERTIFICATE

**OSHIKWANYAMA FIRST LANGUAGE**

**1104/1**

PAPER 1 Reading and Directed Writing

2 hours

Marks 60

**2017**

Additional Materials: Answer Book

## INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
  
- Answer **all** questions.
  
- Pay attention to spelling, punctuation and sentence structure.
- The number of marks is given in brackets [ ] at the end of each question or part question.

## OMALOMBWELO NOMAUYELELE KOVAHONGWA

- Nyola omanyamukulo oye mEmbo IOmanyamukulo olo wa pewa.
- Nyola Onomola yEkonakono nEdina loye kEmbo loye IOmanyamukulo.
- Nyola nopena imbulau ile ilaula.
- Ino longifa okadimifo komeva.
  
- Nyamukula omapulo **aeshe**.
  
- Kotokela esipelo loitya, elongifonawa loileshifo netungo lomatumbulo.
- Omwaalu witwa owa yandjwa moikondekifombine [ ] konima yepulo keshe ile yoshitukulwa shepulo.

This document consists of 7 printed pages.



Republic of Namibia

**MINISTRY OF EDUCATION, ARTS AND CULTURE**

## OSHITUKULWA SHA-A

Lesha nawa okaleshwa taka shikula u dule okunyamukula omapulo taa ka pulwa.

### Osho Kalunga e ku nunina ihe shi li po

Momukunda u li moitelefo yaKongo omwa li ovatungaumbo, meme Opondili nomushamane waye Diladileni, newifa lavo okakadona kedina Liyolifeni. Konima eshi Liyolifeni a wanifa eedula hamano, ovadali vaye ove mu tambulifa mofikola yopaumwene mEkoKa, hai ifanwa llatulesheni. Pofikola opo okwa ninga po ashike eemwedi mbali, mo momwedi omutitatu ovadali vaye otave mu kufa po, molwondilo yofikola oyo. Ove mu lundululila keefikola depangelo, shaashi ova uda kutya itadi futwa vali, vo va kale yo tave lixupifile sha mondjato. Eumbo lavo, shaashi ola li kolule neefikola, Opondili okwa udafana namumwaina womulumenhu Ngheendadja oo a li popepi nofikola yedina Ependuko momukunda Ohakafiya, opo okaana ka kale haka di meumbo laye eshi taka i kenongelo. Liyolifeni okwa kala ta fikola fiyo a pita ondodo yaye onhine.

Efiloshisho meumbo laNgheendadja ola kala tali kande omapunya naLiyolifeni okwa hovela ha faula. Omafimbo mahapu ngee a ya kofikola oha idililwa pondje naalushe oha fyaala po pofikola a pewa ehandukilo komuhongi waye molwokuhaudako. Ngee va di kofikola navakwao, eshi tava umbulula oha pewa oilonga yonhumba, opo e uye a lye nawa. Eshi ta ka mana, ota hange eedila da tuka. Meumbo ngee a tewa mo a ye kofikola, oha xulile moixwa, shaashi oha kala a tila oku ka handukilwa kofikola. Omo ha kala a teebele vakwao va dimbuke, opo va twile mumwe. Omafiku taa i oo tae uya, ngolongo Liyolifeni ofikola ei twa okati.

Ina moku shi uda okwe ke mu tala ko, ndee te ke mu tambulifa kOdibo. Opondili okwa li a nyemata neenghono mokudiladila Liyolifeni waye, oo a ningililwa mo kumumwaina. Luhapu oto hange ashike ta xukula ehodi konghalo yomona, eshi ta diladila epupi laye le mu fiya po, la ya nomanongelo, ye ta ende ta lombwele oixwa.

Konima yeehani hamano Liyolifeni a kala mOdibo, ohaluka ovadali tava ifanwa kofikola, opo va ka tule okaana pokati, pamwe enongo taa fe ongobe. Opondili eshi a ya ko, okwa pwilikina nokwa pula omukulunhufikola, opo okaana ka ifanenwe omuxungimwenyo pamwe kepa taku tutu ngaho. Shilishili eshi tuu haku tiwa Kalunga ehe ku efa nganyoko, konima ashike youvike vonhumba, oshipuvanguwo osho sha li momutima waLiyolifeni shokuhaudako nokuhashikula osho sha di ko.

Liyolifeni paife oku li nokuli mondodo onhimulongo. Eshi ekonakono laAuguste la ka nyolwa ovo va ninga ovalihongi dingi mofikola yavo. Eshi a fika meumbo fiku loidjemo okwa li ta kwena e liwitika komatundji axe. Xe okwa li a limbililwa neenghono, molwaashi Liyolifeni kali ta popi sha, kakele kehukulo lehodi. Opondili ngee ngaho a uluka ko eenghali ashike de mu kunda, dihe fi domunhu a fya. Liyolifeni konima okwa popya newi tali ngengema kutya ovadali vaye ove mu hepeka eshi ve mu efela komauteku, ngeno osho oku li komudo waxuuninwa koUnivesiti. Ina moku shi pwilikina omahodi naapa tae mu di ke shii po. Fimbo aveshe vavali va pwila momadilongo, Liyolifeni okwe va ndwangula odjapo oyo ya li i na oitwa inave i mona mo nale meedjapo daye. Ekonakono la xuuninwa eshi oidjemo ye uya, Liyolifeni ovo va shuna ko ekonakono mudo oo. Konima yodula imwe ovo tava ifanwa ovahongwa vondodo onhimulongo nonhivali. Oihongwa oya li tai mu endele nawa lela ndele omukulunhufikola meme Velishi novahongi vaye tave shi kuminwa. Liyolifeni osho a piti ondodo yaye ya xuuninwa mOdibo. Eshi a ya koUnivesiti yaNamibia ovakulunhu vaye inava futa sha, molwaashi omaano oo a pelwe mudo oo, oove ashike to ti opuwo. Keshe omuhongi he mu hongo okwe mu hafifile noushike-penge-yo.

Moshitukulwa ashishe shaHangwena oye a li mo omuhongwa a pita noitwa ya shiya ko, nokwa pewa oimaliwa ya wana okulihongifa oule weedula nhee.

Omukumo waye moshiputudilo omo inamu dja, mo inamu ya, ngolongo a mona oghatu yopombada mOunangeshefa nOmaavalulo. Okwa mona oilonga mOmbaanga yOtete yOpashiwana mOshakati, ongOmuvaluli woiniwe, omo a longa mo oule wodula imwe. Okwa mona nokutya oilonga ei hayo eifano laye, onghee okwa ninga eidilo moHifikepunye Pohamba, omo e ke lilongela ouhongifikola oule weedula nhee. Konima eshi a mana elihongo laye, okwa mona oilonga mofikola yopombada yaKalongo ngomulongifikola womalaka. Molwaashi okwa li e na oitwa iwa meedjapo daye ina ningilwa nokuli nomapulapulo.

Ovanhu aveshe pomukunda nopofikola otave liyolifa ngaa nee ngedina lamwene koilonga hai longwa noukeka kuLiyolifeni. Ovadali vaye meumbo otava yolifa ashike eedi. Ngee e uya pomukunda ounona novakulunhu ohave lilyata keemhadi va yuka kuLiyolifeni, molwaashi okwa li e na eyoo novanhu, ye vali oha yelula onghwapa, a fa ite shi ningi vali mongula. Ovanhu mukupewa kuye ova kala tave mu halele omholo. Liyolifeni osho a mono omuvaleki. Efimbo lohango yaye meumbo lavo kamwa li tamu wanwa. P Ashe ohamu yada ngaho noshito, oto hale u tye ounyuni aushe oko wa li. Omaano oo a etelwa okakadona aka, kakwa li taa wana mo meumbo. Eyele lomukulu wonale osho la tu, eshi haku tiwa okuyandja okutulika. Liyolifeni ova ka dika eumbo lavo mOnembaba, omo a kala nomushamane waye novana vavali. Ombili oya li tai xunga meumbo lovalihomboli ava vavali.

Ovaneumbo novashiinda ova li va fiilwa oufyoona shili, shaashi omukuminini nomutekuli kamana wavo naye a ka ninga laye. Liyolifeni shaashi okwa dalwa nelao la fewa kombabi, mosekundofikola yaKalongo okwa kala mo ashike eedula nhatu ye ota pewa oilonga youtalelishikandjo moshikandjohoololo shaKalongo. Omukulunhu wEhongo moshitukulwa shaMusati, okwa li a panda unene koilonga hai longwa kokakadona aka noi na ongaonga nokuli moku ka ulika ka ninge Omutalelishikandjo.

### Oshinyangadalwa 1

Hoolola po enyamukulo li li mondjila. Shanga ashike onomola yepulo nondada yenyamukulo lomondjila. Oshihopaenenwa **1 A**.

1 Edina laina yaLiyolifeni olyelye?

A oDiladileni

B oNgheendadja

C oOpondili

D oVelishi

[1]

2 Oshike sha etifa opo Liyolifeni a tembulilwe kofikola Ependuko?

A Osheshi okwa li a ka tekulwa kuxekulu a dalwa naina

B Osheshi okwa li he lihongo noudiinini

C Osheshi okwa li ta i mondodo onhimulongo

D Osheshi okwa li kwa tongwa kutya eefikola depangelo ihadi futwa vali

[1]

- 3 Omolwashike Liyolifeni kwa li ha xulile moixwa okuya kofikola?  
 A Omolwaashi oha hange vakwao ve li pokumana okulya  
 B Omolwaashi oha kala a tila oku ka handukilwa kofikola  
 C Omolwaashi okwa li a hala a ka fikole kOdibo  
 D Omolwaashi meumbo laxekulu kakwa li ha filwa oshisho nawa [1]
- 4 Ovanhu vomomukunda wooLiyolifeni okwa li ve mu holele molwashike?  
 A Osheshi okwa li ha fikola mOdibo  
 B Osheshi okwa li a longwa  
 C Osheshi okwa li ha yandje  
 D Osheshi okwa li ta hambolwa [1]
- 5 Oilonga yotete yaLiyolifeni okwa li yashike?  
 A Okwa li Omuhongifikola  
 B Okwa li Omukulunhufikola  
 C Okwa li Omutalelishikandjo  
 D Okwa li Omuvaluli woiniwe [1]
- 6 Liyolifeni nomushamane waye va ka tungila eumbo lavo momukunda ulipipo?  
 A omOhakafiya  
 B omOkalongo  
 C omOkongo  
 D omOnembaba [1]
- [6]

### Oshinyagalwa 2

- 7 (a) Tya **Osho** ile **Hasho** komatumbulo taa shikula:  
 (i) Liyolifeni okwa dalwa aeke kovadali vaye.  
 (ii) Ofikola Ependuko kai li moshitukulwa shaHangwena.  
 (iii) Liyolifeni okwa fikola mofikola yaKongo. [3]

- (b) Twifa kumwe osho shi li mondjila **mu-B** tashi wapalelafana **na-A**. Shanga ashike ondada yepulo nonomola omo mu na enyamukulo lomondjila. **Oshihopaenwa (i) (a).**

A		B	
(i)	oUNAM	(a)	okutwa
(ii)	Ombaanga yOtete yOpashiwana	(b)	oshiputudilo shopombada
(iii)	okuyelula onghwapa	(c)	ofikola omo kwa li hamu longo Liyolifeni
		(d)	onhele omo mwa longo Liyolifeni tete
		(e)	okuyandja

[3]

[6]

### Oshinyangadalwa 3

- 8 (a) Fatulula oitumbula tai shikula:

- (i) e na eyoo novanhu
- (ii) okulombwela oixwa
- (iii) okuyandja okutulika

[3]

- (b) Tunga amatumbulo **avali** a yooloka to longifa oshityadinala eshi "**Diladileni**", opo u holole elityo lasho.

[2]

- 9 Owa lesa nowa uda nghee Liyolifeni kwa li he lihongo nouidiinini fiyo a mana eefikola daye. Noitwa **itatu** yandja omauwa oo omunhu ho dulu okumona shimha we lihongo nelitulemo.

[3]

[8]

[20]

## OSHITUKULWA SHA-B

Lesha nawa okaleshwa taka shikula u dule okunyamukula omapulo taa ka pulwa.

### Oukaume wa kola

Mefimbo lonena omunhu ngeenge ina hongwa oha kala a fa omunhu e li mokati kovanhu va fewa, ndele ye oku li moikutu ya pomboka ile ya kaka. Keshe pamwe ta ende oha monika a nyika ondjala, onghai noluhepo. Luhapu ngee oku li peedula da yuka komutwe woshimbudu, ovanhu ohava kala va eta onghenda, ashike ngee oku li pefimbo lokuya kehongo, ovanhu ohava lukaluka nova limbililwa komunhu e na onakwiwa ihe na etimhaumbwile lasha, ko okwa tiwa oli dule ekuta.

Momukunda wonhumba omwa li ovamati vavali Shitongeni naHelao ovanamaano. Fimbo nokuli ve na eedula hetatu vo ove li nale mondodo onhine. Alushe ova kala nokupewa omapapa nokupefa yo ofikola yavo omafindano amadu. Eshi tuu va wanifa omido omulongo nanhano, Shitongeni okwa hovela okukwatwa komhepo yokutonda ehongo. Helao okwa kala ngaho nokutwa kaume kaye omukumo fiyo aveshe va pita ondodo onhimulongo. Helao okwa tambulilwa mondodo onhimulongo naimwe mOsekundofikola yaShakati, ofimbo Shitongeni a tambulwa kOshkundofikola yaShela. Helao oihongwa okwa kala te i endifa nawa ngolongo a mana ondodo onhimulongo nonhivali. Ou Shitongeni omikalo daye domaitavelela ode mu shingila moupuyakadi wakula, ndee ta efa ofikola. Ovadali ova ifanenwe tuu nelalakano ngeno loku mu yukililifa, ndele kemanya kudj' ondwi. Ovahongi navo osho va u mo ndele tave mu efele oitomo. Shitongeni nomaume aye, ve liunganeka, opo ofikola ve i twe okati, vo va ka konge oilonga kOmbaye, molwaashi vati oko ku na eefabulika dihapu deeshi noilonga ohai dulu okumonika noupu.

Elao omunhu e li na hewa ova fikila tava kutwa. Eshi nee oshinima sha nyika oshindjala ova li ve na okukonga po onduge, opo ve lixupife fimbo omwedi tau fi. Ova hovela hava tula eeshi momakalanyana avo, ve di tula pokati kombulukweva nekalanyana ile ve di homeka moitolomufe. Ove shi ninga ngoo lunga oule woivike itatu nova li ve wete va toola ohambo nomaholo ayo. Eshi ngaho kwatiwa oumbudi ihau yofwa, ovamati ava osho va ka pitililifa ndele, folomana wavo te shi mono mo.

Eshi va pulwapulwa, ookaume kaShitongeni kopofingo, ove mu pilukila po, ndele tave mu lundile kutya oye a eta onduge oyo. Onghenda shili, Shitongeni etemo la wa momupini. Okwa pewa ko okafilinga kaye koivike oyo a longa ko, ko taka kufwa vali ousepenifa vonhumba, vati a tulifwe po oufudime. MOmbaye okwa ninga mo lunga oule weemwedi nanho ta kongo oilonga ndele, ina mona. Oumaliwa ava a pelwe, navo osho va pu po. Oluhepo nondjala osho ye mu shingile keumbo. Ovakulunhu osho va li ohonde notwila, ndele tave mu futile olefa shaashi, nofilinga ka li e i na mondjato.

Konima yomafiku eshi a aluka po, eume laye Helao ola kundana euyepo laye nokwa ya kuye, opo e ke mu talele po. Okwa li a eta onghenda keume laye shaashi kwa tya ngaho lo ola kaka, lo ola tumhilwa yo nakaidi oya kufa ko yo shayo. Ova ya meenghundafana odo da li dile lunga da kwata omutenya aushe. Shitongeni osho a hongoloka kwaashi kwa li tashi popiwa kuHelao. Helao pefimbo olo okwa li te lihongo mOshiputudilo shopombada shaNamibia te lihongele ouhongifikola moshihongwa shomalaka. Ngee ta popi elaka IOshiingilisha naali looina ito yoolola po laye. Helao okwa twa Shitongeni omukumo, opo a ye kendiki lo-NAMCOL a ka mane ondodo yaye onhimulongo nonhivali.

Shitongeni osho e ke lishangifa oihongwa yaye ngolongo e i pita, ndele ta tambulilwa moshiputudilo shopombada shaHifikepunye Pohamba, shaashi naye okwa li a hala a mone eifano louhongu ngaashi kaume kaye Helao. Odula Shitongeni e uya moHifikepunye, okwa hanga Helao e li momudo waxuuninwa.

Efimbo otali ya lo tali i, paife Helao omuhongifikola pEembaxu. Okwa landa nokuli ohauto neumbo laye modoolopa mEenhana. Okulikalela shaashi okwa nyenga enongo, Helao oku li po nale nokuli ta diladila kutya ngeenge okwa longo po eedula mbali oku na okutula moipundi, shaashi omuvalekwa opo e li nale. Omaume aa okwa kala nokulitulila mo omadiladilo taa tungu ngolongo Shitongeni naye a mana eifano laye. Paife aveshe ohava longo pEembaxu. Helao osho a hombola, paife shi li ko oshamushila waKavandje. Shitongeni naye a tokola a hombole nokwa li a hala va ka dike omaumbo avo omiti momukunda umwe, ndele oinyanekwa eshi ihai shakene namutenya, apa pa li eumbo laHelao kapa li vali tapa wana eumbo nepya lokulima. Shitongeni okwa ka dika eumbo laye kOidimba omanga laHelao la li mOshandi.

### Oshinyangadalwa 1

- 10 Holola omaupyakadi **avali** haa dulu okuhanga omunafikola konima a efa po ofikola. Shi koleka. [6]
- 11 Ovadali vaShitongeni eshi a alukila keumbo ehe na sha, mbela okwa li ve udite ngahelipi? Shi yelifa noitwa **itatu**. [5]
- 12 Pamadiladilo oye oshike wa tala tashi dulu kwa li okuhanga Shitongeni, ngeno kakwa li a shuna mofikola? Shi holola noitwa **itatu** iyela nawa. [5]
- 13 Ngeno oove wa li kaume kaShitongeni oo a efa ofikola, ngeno owe mu kwafa ngahelipi? Shi yelifa noitwa **ivali**. [4]

[20]

### Oshinyangadalwa 2

- 14 Ove omuhongifikola pofikola yonhumba, owa koneka kutya ovanafikola vahapu pofikola yeni otava djala omidjalo dihe na outalelo pokati kovanhu; kashi na nee kutya oukadona ile ovamati. Owa tokola opo u ye meenghundafana nomukulunhufikola kombinga yoshinima eshi. Shanga eenghundafana deni. Omupopi keshe na popye oikando **ihamano**, inamu kwatelwa omapopifafano.

Eenghundafana deni nadi kale noule woitya **150 - 200**.

[20]